

S **LO**
Afl. 1.25
Di Pueblo

BRIYANDO FUERTE • TRECIENDO CLARIDAD
DIASABRA 19 OCTOBER 2024

**SINDROME DI TARZAN:
BULA DI UN
RELACION PA OTRO PA
EVITA SOLEDAD**



WWW.SOLODIPUEBLO.COM



SOLODIPUEBLO@GMAIL.COM

**SOSTEN DI LISTA DI
CANDIDATO DI
PARTIDONAN
POLITICO**



**ENTREGA DI LISA PARTIDO MEP DEN
GRAN FORMA**



Cuminsando cu 4 florin, bo por gana e suma grandi aki

Afl.

2.100.000,-

Obtenibel na cualkier rebendedo di Lotto.

sorteo ta awe noch 7:45 pm



HUNGA AWO



PROMOCION Y HUBILEO DI 25,35,40 Y 45 AÑA



MACUARIMA, ARUBA: Diaranson mainta na Cas di Cultura a tuma lugar entregamento di decreto gubernamental, promocion y a celebra hubileo di 25, 35 y 45aña.

Un grupo grandi Polis cu sosten di famia a presenta na Cas di Cultura. Mando Policial conhuntamente cu altocomisario di Polis drs. Ramon Arnhem tambe tabata presente na e ocasion special aki.

“Nos ta orguyoso di cada un di e Polisnan aki cu awe ta haya nan promocion of ta celebra nan hubileo. Nos ta mira mas Polis ta sigui crece pero tambe ta dedica alma y cuerpo na nos organisacion. Mi ta duna honor y respet na cada Polis cu awe ta celebran 25, 35 y 45año. Nan ta sirbiendo nos Pais pa hopi año, polis cu experiencia y dedicacion y awe nos di Mando Policial ta gradicinan personalmente pa e forza cu nan ta carga y e gana di haci un diferencia di haci nos Pais sigur.” Tabata palabranan di emocion di altocomisario Arnhem durante su speech.

Aruba por ta orguyoso di cada un Polis cu awe ta ricibi nan decreto gubernamental, promocion of ta celebra nan hubileo. Mas aun ta orguyoso di Agente Policial onder inspecteur eerte klasse Humphrey Koolman cu ta celebra 45 año den Cuerpo Policial Aruba.

Aki ta sigui e siguiente agentenan cu a haya nan promocion y decreto gubernamental.

J. BOEZEM y F. de CUBA di agent in opleiding pa agent eerste klasse, M. BISLIP di brigadier pa brigadier eerste klasse, M.TUITT y J. REUTERS di hoofdagent pa hoofdagent eerste klasse, FELICIANA di klerk eerste klasse pa hoofdklerk, S. SCWENGLE di commies pa klerk,

L. GEERMAN di schrijver pa klerk.

25año di hubileo:

E. MADURO, L. BESSELINK, S. ST.JACOBA, M. GONZALEZ, A.LACLE, R.ANTHONY y G.BRIEZEN

35 Año di hubileo;

A. MADURO, J. MOREL, M. CABRAL, E.BARRY, J. TROMP, E. WEBB, J. LACLE, J. DE CUBA, E.MADURO y B.MADURO

40 año di hubileo:

S. DE MEY, E. DE MEY y G. DAMMERS.

45 año di hubileo:

H. KOOLMAN

Di parti Cuerpo Policial Aruba masha pabien como tambe danki na boso famia pa e sosten pa asina boso por logra haci bo profesion pa sirbi nos Pais.





E LISTA VICTORIOSO ● ELECCION 2024

- | | |
|---------------------------------------|--------------------------------------|
| 1 Evelyn Wever-Croes | 15 Natalie Geerman |
| 2 Dangui Oduber | 16 Ricky Hoek |
| 3 Xiomara Maduro | 17 Shannon Henriquez |
| 4 Endy Croes | 18 Erwin (Wino) Lopez |
| 5 Rocco Tjon | 19 Erich Genser |
| 6 Hendrik Tevreden | 20 Michella Steenvoorde-Lacle |
| 7 Edgard Vrolijk | 21 Nathaly Arends |
| 8 Shailiny Tromp-Lee | 22 Shirley Rafini |
| 9 Setty Christiaans-Yarzagaray | 23 Stephanie Croes |
| 10 Alvin Molina | 24 Jaime Winterdaal |
| 11 Sharissa Arends-Tromp | 25 Nolan Thomas |
| 12 Rodymar Geerman | 26 Chito Geerman |
| 13 Marco Berlis | 27 Jeffrey Schuilenburg |
| 14 Aldrin Lampe | 28 Rene Kock |
| | 29 Marceylaine Paskel |

CANDIDATONAN DI E MOVECION!
MOVIMIENTO ELECTORAL DI PUEBLO

ARUBA CHAMBER BUSINESS ISLAND EVENT 2024: “NAVIGATING THE FUTURE OF WORK”



– Camara di Comercio y Industria Aruba (KvK) ta anuncia e fecha y detayenan di e ‘Aruba Chamber Business Island Event’ pa e edicion di 2024. Esaki lo tuma lugar otro siman diahuebs, 24 di oktober 2024 riba Renaissance Island. Pa prome biaha lo tene un Business Event riba e prestigioso Renaissance Island.

E meta di e evento ta pa trece empresarionan, profesionalnan y lidernan den e industria hunto. E evento lo enfoca riba crea conexionnan valioso, mehora e desaroyo di negoshi y duna informacion valioso na empresarionan. E evento no ta destina solamente pa e doñonan di negoshi of miembronan di e ekipo di maneho pero tambe pa esnan cu tin influencia riba e exito di e organizacion. Awendia ta hopi importante pa keda innova pa por keda competitivo den un mercado cu constantemente ta desaroya.

Programa

E topico pa e edicion aki lo ta “Navigating the Future of Work” - elaborando riba aspectonan manera e.o. strategianan innovativo pa recluta y retene empleado cu un focus riba e generacion di millenials y Gen Z, perspectivanan di “work-life balance”, solucionnan pa escasez di trahadornan (cualifica) cu ta tene e bienestar di e ser humano central, integracion di AI den compania, y “cutting-edge” tools digital pa e operacion di un negoshi.

Pa e anochi a invita orador local, Crescenzia Biemans y un orador internacional Maarten Naaijken. E anochi lo cuminsa cu presentacionnan sumamente interesante di e dos invitadonan, sigui pa un panel cu lo discuti y comparti cada un di nan punto di bista den nan area di experticio. E panel ta consisti di Wilfred Ras (Commercial Director na Total Services N.V. & Managing Director na Nos Isla Private Tours), Jeanire Rampart (Multi-Property Human Resources Manager na The Ritz-Carlton, Aruba & The St. Regis Aruba Resort) y Margie Kelders (F&B Supervisor na Gianni's Group).

Na final di e anochi tur invitado ta haya e oportunidad amplio pa por intercambia pensamiento y ideanan durante un “networking reception”, cu ta inclui snacks, open bar y entretenimento musical.

E evento lo cuminsa desde 7.00 pm di anochi hunto cu un welcome drink y un aperitivo. Registracion ta cuminsa desde 5:45 pm na e pier patras di Renaissance Convention Center. Alabes, tur invitado por probecha di un photoshoot riba e isla, banda di beach, cu lo tuma lugar solamente entre 6 pm y 7 pm. E dress code ta ‘Beach Elegance’. Pa mas informacion tocante e dress code por consulta nos website www.arubachamber.com pagina di FB.

Keynote speakers: Crescenzia Biemans y Maarten Naaijken. Crescenzia ta e Chief Corporate Officer (CCO) di Bucuti & Tara Beach Resort, Managing Director di Tara Eco Supplies, y Secretaris di Stimami Sterilisami Foundation. Actualmente e ta miembro di directiva di e Environmental

Committee di Aruba Hotel and Tourism Association (AHATA) y ta un Trustee di Caribbean Alliance for Sustainable Tourism como parti di e Caribbean Hotel and Tourism Association (CHTA).

Como Managing Director di Codam, un instituto pionero den educacion tecnologico innovativo y inclusivo, Maarten ta trece mas di 20 aña di experiencia den stimula crecimiento tanto den sector B2B como B2C.

Maarten ta un ehecutivo cu hopi experiencia, conoci pa su habilidad comproba di desaroya y implementa strategianan cu tin un impacto significativo, cu a yuda den lansamento exitoso di servicionan digital nobo, y un aumento grandi di entrada. Durante su carera, e la sobresali den forma ekiponan cu ta funciona na nivel halto, promoviendo un cultura di innovacion, y superando e retonan den e mundo di negoshi.

Maarten a fungi den pasado como Managing Director na Squala, como Group Marketing Director na DPG Media Hulanda, y como Senior Manager di E-Commerce na Sara Lee / Douwe Egberts Coffee.

Maarten tin experiencia extenso den diferente industria y lo duna perspectivanan valioso riba e topico, concentrando riba

innovacion y liderazgo.

KvK ta gradici e patrocinadornan principal di e evento cu ta Caribbean Mercantile Bank N.V. y EliteProductions&Entertainment, y e colaboradornan: Guardian Group, Setar N.V., Qredits, Flexo Manpower Services, POV Productions y Renaissance Wind Creek Aruba Resort pa haci e evento aki posibel.

Tickets pa e evento ta disponibel via eventbrite BUY TICKETS y na oficina di KvK pa \$125 pa persona. Tambe por haci un transferencia di banco indicando Aruba Chamber Business Island Event 2024 y manda e comprobante di pago na secretariat@arubachamber.com. Pa mas informacion di e evento por tuma contacto cu e departamento di BIS na telefon 582-1566 ext. 330/335/342 of via e-mail: businessinfo@arubachamber.com.

Comunidad empresarial y pueblo di Aruba ta keda cordialmente invita pa asisti na e evento special aki. Aruba Chamber Business Island Event 2024 lo tuma luga na Renaissance Island, diahuebs 24 di oktober 2024, di 7:00 pm te cu 11:30 pm.

Aruba, 18 di oktober 2024
Camara di Comercio y Industria (KvK)



PRIJS PA DOZIYN DI WEBO LOCAL (WEBO BRUIN) TIN UN PRIJS FIHO

- E prijs pa un dozijn di webo local (webo bruin) ta Awg. 6,80.
E ta un solo prijs pa dozijn di tur grandura di webo local.

Pa loke ta trata webo importa supermercadonan por aplica un margen di maximo 60 ct pa dozijn riba prijs di wholesaler. Prijs pa dozijn di webo

importa (webo blanco) ta varia semanalmente. Controladornan lo bay ta controla diariamente e prijs di webo importa den supermercado basa riba e factura di compra.

DEACI ta pidi tur supermercado pa coopera cu su controladornan y mustra e ultimo factura di compra di webo importa.











1. Wendrick Cicilia
2. Mike de Meza
3. Arthur Dowers
4. Stephanie Sevinger
5. Mervin Wyatt-Ras
6. Jennifer Arends -Reyes
7. Clifford Heyliger
8. Sonaly Acosta
9. Carlos Bermudez
10. Marlon Sneek
11. Otami Thomasia
12. John Hart
13. Dennerich Kelly
14. Jamila de Mey
15. Junior Croes
16. Chris James
17. Conny Connor
18. Maria vd biesen
19. Gillian Lopez
20. Diana Bikker
21. Clyde Burke
22. Jennifer Franken
23. Madeleine Kelly
24. Adeline Oliviera
25. Astrid Vries
26. Ferdinand Franca
27. Norman Roos
28. Zuleika Wever
29. Mike Eman



1	MIGUEL MANSUR
2	ZOEY CONIJN-BERKEL
3	JOASE-ANN VAN DER BIEST
4	GERALD VINGAL
5	HANS ZAANDAM
6	ABIGAÉL ARENDS
7	FLORA PETRONILIA
8	RAYMUNDO DIJKHOFF
9	ANTONIUS SCHOUTEN



#BanBibaMiho

SOSTEN DI LISTA DI CANDIDATO DI PARTIDONAN POLITICO

Conseho Electoral Aruba como hoofdstembureau tin e poder relativo pa cu e entregamento di lista di candidatonan di partidonan politico, investigacion

y determinacion di validez di e lista, numeracion y asignacion di color di e lista nan, determinacion di resultado di eleccion y tambe e preparacion di geloofbrieven.

Entregamento di lista di candidatonan di partidonan politico ta tuma lugar diabierna, 18 di

October 2024, for di 9'or di mainta te cu 4'or di atardi na Hoofdstembureau, Schoolstraat #2.

Presidente Suplente Sra. Grasita Griffith a informa cu e partidonan politico cu no a logra un (1)

asiento durante e eleccion ultimo na 2021 mester ricibi sosten di nan lista politica cu 586 firmanan di votadornan. Esaki ta 1% di e votonan valido di e eleccion anterior.

Firma pa sostene lista di candidatonan di partido politico por wordo haci entre 21 di



October te cu 29 di October 2024 (excluyendo weekend) di 09:00AM te 8:30PM na

- Dependance Censo @ L.G Smith Boulevard 66

- Hulpbestuurskantoor Noord

- Hulpbestuurskantoor Savaneta

Pa mas informacion, bishita e website oficial di

Conseho Electoral Aruba na er.aw y sigui nan na Facebook y Instagram @consehoelectoralaruba. E plataforma nan lo sirbi como un recurso

importante pa votadonan, partidonan politico y publico general, pa keda al dia cu anuncianan, fecha nan y guia relevante pa e eleccion di Aruba.



BCA TA LANSA ENCUESTA DIGITAL TOCANTE CONFIANSA DEN PLACA EFECTIVO

Pa por compronde miho con consumidornan na Aruba ta uza y percibi placa efectivo denomina na florin Arubano, Banco Central di Aruba (BCA) lo tene un encuesta digital tocante e confianza den placa efectivo durante e periodo di 19 di October 2024 te cu 9 di November 2024.

E meta di e encuesta aki ta pa midi con hopi consumidornan ta uza placa efectivo (placa di papel y monedanan di florin Arubano), nan conocimiento di e diferente denominacionnan di nos placa di papel y monedanan di florin y e nivel di confianza den e autenticidad y e calidad di nos placa di papel di florin.

E data obteni lo asisti CBA na amplia su

conocemento di e actividadnan economico y preferencianan di consumidor, mantene e confianza den e florin, formula recomendacionnan pa e maneho relevante y subraya deficiencia den alfabetismo financiero.

BCA ta sigura cu e encuesta ta estrictamente anonimo y tur informacion obteni lo wordo trata confidencialmente y uza solamente pa metanan estadistico y pa maneho.

BCA ta encurasha tur residente di Aruba, cu tin 18 aña of mas, pa completa e encuesta aki. Pa participa, bishita e website di BCA www.cbaruba.org, pagina di Instagram 'Centrale Bank van Aruba' y pagina di Facebook 'Aruba su Florin' y completa e encuesta prome cu e

deadline di 9 di November 2024. Si tin cualkier pregunta adicional, por favor tuma contacto cu e Departamento di Sistemanan di Pago di BCA via email payment.systems.department@cbaruba.org.



RAIZ ta cla pa cosecha!

LIDER DI RAIZ URSELL ARENDS TA PRESENTA LISTA DI CANDIDATO PA ELECCION 2024

Plataforma Raiz ta sumamente orguyoso di a presenta e candidatonan cu lo sigui cosecha e futuro di nos pais. Den un evento inspirador na Mangashina, Lider di Raiz, Ursell Arends, a duna un bon bini caluroso na esnan cu a uni nan mes na nos Plataforma pa sigui trece cambio di berdad pa Aruba.

Den su discurso, Arends a reflexiona riba e caminda cu Raiz a tuma for di comienso. Desde 2017, Plataforma Raiz a traha pa compronde con e aparato publico di nos pais ta traha y a profesionalisa su lidernan pa sirbi e pueblo di Aruba mihor.

Den un presentacion cu ta destaca compromiso, profesionalismo, y dedicacion, Raiz a introduci e candidatonan cu ta alinea na RAIZ su balornan. Cada un, experto den su area di conocimiento y capacidad amplio pa ehecuta RAIZ su vision pa logra un cambio fundamental pa Aruba.

"Nos a atrae personanan cu vision, cu pasion, y cu gana di traha pa un miho Aruba. Raiz ta un plataforma cu ta forma lidernan den comunidad y awe nochi nos tin honor di por a lansa campaña di eleccion hunto



cu nos candidatonan y cu nos sostenedornan cu a uni na nos proposito," Arends a añadi durante su presentacion.

Cu e lansamento di su candidatonan, Raiz ta cla pa sigui lidera un platafprma di cambio pa e bienestar di nos pais y su pueblo. E plataforma cu a bin ta planta e simia di politica nobo cu awe nos por mira tuma rais den comunidad. Un anhelo profundo pa poltica di contenido y respet mutuo. RAIZ ta cla pa cosecha e fruta di e siminana planta pa nos hendenan tambe por cosecha e fruto di nan labor.

Lista victorioso di Red Democratico

1. Ricardo Croes
2. Randolph Rene kock
3. Oriana Baez
4. Fejite Zijlstra
5. Thomas Ruiz
6. Jairzinho Tromp
7. Aaron Giel
8. Francisco Mejija
9. Victoria Perez
10. Armando Lampe



ONTSLAG MINISTER ONDERWIJS EN SPORT

Gobernador a tuma e decision awe pa retira señor E.J.H. Croes for di su funcion di minister.

E decision pa retira minister Croes a wordo tuma despues cu a sali na cla den Parlamento durante un reunion publico dia 15 di oktober 2024, cu e minister no tin e confiansa mas di Parlamento.

Señor E.J.H. Croes a pidi despues den un carta cu fecha 16 di oktober 2024 pa e wordo retira como minister responsabel pa Ministerio di Enseñansa y Deporte.



- 1. Gerlien Croes
- 2. Geoffrey Wever
- 3. Gino Goeloe
- 4. Ruthlyn Lindor
- 5. Munzaninn Wever
- 6. Gregory Ras
- 7. Jeremy Erasmus
- 8. Rondel Heyliger
- 9. Ransela Lopez
- 10. Omar Quandus

OPINION VOTA PA PARLAMENTARIO Y NO PA MINISTER !

Politiconan di Aruba NO ta permití Pueblo di Aruba vota pa MINISTER , pasobra politiconan ta considera e pueblo di Aruba mucho bobo pa pueblo mes vota y scoge su MINISTER.

Pesey e politiconan ta duna NOS , e votadornan , solamente UN “stembiljet” (=un voto) pa nos vota solamente pa UN PARLAMENTARIO. E politiconan di Aruba ta nenga di duna NOS , e votador , un di dos “stembiljet” (= un di dos voto) pa nos vota pa MINISTER.

PERO e estupidez di mas grandi ainda ta cu e Parlamentario (cu tambe ta un ciudadano/votador mescos nos) , SI ta permití di vota pa MINISTER.

Contrario na e Parlamentario , NOS , e votadornan cu ta mesun ciudadano y votador cu e Parlamentario , si NO ta permití di vota pa MINISTER!

Algo raro , un menosprecio di politiconan of un discriminacion real entre e

ciudadanonan votador di Aruba ?

Ta parce asina ? Of ta asina mes ?

Ban djis muestra e politiconan - COMO PROTESTA - cu NOS , e votadornan ,lo vota solamente pa candidatonan cu lo keda den Parlamento y cu NOS no lo vota mas pa candidatonan cu kier bira Minister.

Partido por traha e lista di candidato PERO ta nos , e votadornan , ta dicidi cua candidato , nos , e votadornan, kier como nos representante den Parlamento.

SIMPLEMENTE BISA : scoge bo lista preferí y vota pa e candidato cu abo kier pa ta bo representante (Parlamentario) den Parlamento di Aruba y no vota mas pa candidatonan riba lista cu kier bira Minister (pasobra partido mes lo zorg pa nan bira Minister !).

NOS VOTO TA SECRETO , TENE SECRETO

TRAFICO SIGUR

UZO DI CELULAR DEN TRAFICO,

UN PROBLEMA GRANDI

Nos Celebro no ta diseña pa Multi-task,

bo ta peligra bo bida y di otronan

CREA UN COMIENSO NOBO DEN ENSEÑANSA: INSCRIPCION PA 21+ TOETS NA IPA TA HABRI

Nunca ta laat pa un comienso nobo! Si pa un of otro motibo bo mester a interumpi bo estudio of bo ta considerando cambio di carera, Instituto Pedagógico Arubano (IPA) ta duna bo e oportunidad pa cuminsa di nobo den ramo di enseñansa.

Tur persona cu desde 1 di september 2025 tin minimo 21 aña y cu kier haci un estudio na IPA, pero no tin diploma di sea havo, vwo of mbo nivel 4, por inscribi pa haci e asina yama 21+ Toets. E 21+ Toets ta midi si bo tin nivel di havo cu ta necesario pa por studia na IPA. Si bo logra pasa e 21+ Toets cu exito, bo por inscribi pa un estudio inicial cu IPA lo ofrece durante aña academico 2025-2026. Asina cu bo inscribi bo ta bin na remarke pa participa na e test di admision (beroepstest) y e programa preparatorio

(voorprogramma) cu lo tuma lugar durante aña academico 2024-2025. Si bo logra pasa e test di admision cu exito y completa e programa preparatorio bo por cuminsa

cu bo estudio na augustus 2025.

Informacion di 21+ Toets

21+ Toets ta consisti di tres materia entre otro: Hulandes, Matematica y Hende y

Comunidad. 21+ Toets ta tuma lugar diasabra 1e di februari, diamars 4 di februari y

diasabra 8 di februari 2025.

Tur informacion di 21+ Toets ta riba IPA su website. Bay na www.ipaaruba.com y click

riba 21+Toets. Akinan lo bo haya informacion tocante contenido di 21+Toets, e

preguntanan mas frecuente haci



Crea un comienso nobo den enseñansa

Inscripcion pa 21+ Toets na IPA ta habri

JOIN US NOW



(Pag. 13 y 14 Toelichtingsdocument IPA 21+ toetsen

voor het studiejaar 2025-2026) y procedura di inscripcion.

Anochi di informacion

Banda di esaki lo tin anochi di informacion diaranson dia 23 di october 2024 di 7 pm -

8:30 pm na IPA. Bo lo haya splicacion di kico 21+ Toets ta encera. Alabes lo elabora riba contenido y trata ehempel di tarea di diferente materia cu ta forma parti di 21+ Toets.

Inscripcion

Tur persona cu ta interesa pa haci 21+ Toets por inscribi via e website www.ipaaruba.com. Pa por inscribi mester cumpli cu e pago di AWG 80,- y pone como anexo copia di comprobante di pago den formulario digital di

inscripcion. Tene na cuenta cu e comprobante mester tin bo nomber riba dje, p'asina nos sa na ken e pago ta pertenece. Na final bo lo ricibi confirmacion di bo inscripcion. E ultimo dia pa inscribi pa 21+ Toets ta 29 di november 2024. Despues di e fecha aki no tin posibilidad mas pa

inscribi.

Esaki ta e oportunidad pa pone meta nobo y tuma bo futuro den bo man. Bay p'e!

Pa keda altanto di e ultimo desaroyonan di IPA bishita www.ipaaruba.com y sigui nos riba pagina di facebook Instituto Pedagógico Arubano.

Clasificados



SOLODIPUEBLO@GMAIL.COM
CEL. 585 9500



Síndrome di Tarzan: Bula di un relacion pa otro pa evita soledad



E Síndrome di Tarzan ta wordo describi un patochi emocional caminda cu e personanan, pa miedo di soledad, ta busca rapidamente relacion nobo sin tuma e tempo necesario pa sana despues di un ruptura. E ciclo aki ta perpetua relacion superficial y dependiente, impulsa p'e necesidad di validacion y e temor na abandono. A traves di ehempel manera esun di Marta, Diego, Laura y Alejandro, por observa con e comportacion aki, aunke

no reconoci clinicamente, ta afecta hopi persona den nan buskeda constante di afecto, creando un dinamica emocional insostenibel y repetitivo.

E "Síndrome di Tarzan" ta wordo uza pa describi esunnan, despues di un ruptura amoroso, no ta permiti procesa e duelo emocional ni siña di e experiencia. Como resultado, nan ta bula pa un relacion nobo en busca di consuelo inmediato, di forma similar na con

vínculo nobo. Diego, di un otro banda, tin dos decada sin ta soltero pa mas di algun luna. Despues di cada ruptura, rapidamente ta cuminsa cu otro relacion, sin permiti conoce profundamente nan parehanan. E ta busca pa evita e bashi emocional sin para pensa den su propio necesidadnan.

Laura y Alejandro tambe ta muestra e patronchi aki. Laura tabatin cinco relacion den tres aña. Despues di cada ruptura, e ta sinti su mes kibra, pero pero e no ta

frenta nan miedo na soledad. E miedo na abandono y e necesidad di validacion constante ta forsa motriz tras di e síndrome aki, loke ta impedi cu e personanan aki establece relacion profundo y saludabel.

Supera e "Síndrome di Tarzan" ta rekeri un gran dosis di introspeccion y tempo pa sana emocionalmente prome cu cuminsa un relacion nobo. Ta fundamental siña disfruta di compania propio y desaroya un autoestima solido. Solamente asina ta posibel kibra e ci-



Tarzan ta pasa di un liana pa otro sin por mishi tera. E conducta aki ta un forma di evita enfrenta soledad, dolor of e sensacion di bashi, loke a largo plazo ta genera relacion insatisfactorio y patronchi repetitivo di dependencia emocional.

Marta, por ehempel, ta un muhe cu ta idealisa su parehanan, pero ora cu e realidad no ta cumpli cu su expectativanan, su relacionnan ta fracasa y e ciclo ta ripiti. Aunke su relacionnan inicial parece ta prometedor, semper nan ta caba di e mesun manera pasobra Marta no ta tuma tempo pa reflexiona ni sana prome cu cuminsa cu un

tarda pa involucra su mes cu otro persona. Su buskeda constante di validacion externo ta push'e na confundir intensidad inicial cu amor, loke inevitablemente ta lag'e emocionalmente insatisfecho. Alejandro, despues di a sali for di un relacion toxico, rapidamente ta involucra den otro similar, repitiendo e mesun errornan pa no tuma tempo pa enfrenta su dolor emocional.

E patronchi aki, aunke no ta reconoci oficialmente como un trastorno den manual manera DSM-5, ta comun den e psicologia popular pa describi hende cu no ta en-

clo di dependencia emocional y establece relacion mas autentico y satisfactorio.

Finalmente, e síndrome aki ta refleha e lucha interno pa evita soledad y e bashi emocional. E personanan cu ta experimenta nan sa idealisa nan relacionnan na principio pero sin un reflexion adecua ni un proceso di duelo, e mesun heridan emocional ta bin bek den cada relacion nobo. Siña ta so, procesa e dolor y priorisa e autoconocemento ta clave pa kibra cu e ciclo aki y haya e balans emocional necesario pa relacion saludabel a largo plaso.

Clasificados

SOLODIPUEBLO@GMAIL.COM

CEL. 585 9500

Con ta deshaci di “Desperdicio di Construcccion”?

Den e articulo aki nos lo enfoca riba “Desperdicio di Construcccion”. Kico esaki ta encera? Unda por entrega esaki? Kico ta e impacto riba e prijs pa procesa Desperdicio di Construcccion? Y cua ta e metodo con esaki ta wordo procesa pa recupera recursonan.

Kico ta Desperdicio di Construcccion?

Desperdicio di Construcccion ta desperdicio cu ta wordo acumula for di sitio di construcccion of demolicion. Ehempelnan di esaki ta entre otro: cement / beton, bloki, tegel, panchi, piedra, santo, porta of bentana, palo, diferente tipo di metal, toilets, plastic, papel, etc. Cada tipo di desperdicio por wordo procesa na un forma responsabel y esaki ta locual cu nos kier motiva pa eherce. Si ta un sitio di demolicion, e prome stap ta pa constata si tin asbest presente. Si ta asina, por aserca ATCO prome cu cuminsa cu e trabow di demolicion.

Con por entrega desperdicio di construcccion den bulto?

Si a constata cu no tin asbest presente, companianan por scoge pa continua na entrega nan



desperdicio di construcccion den un forma mixto combina. Esaki ta nifica cu no ta separa pa categoria di sushi for di e sitio di construction of demolicion. Desperdicio di construcccion combina sin asbestos por entrega na Ecotech Freezone. Esaki tin su consecuencia cu tin un diferencia di prijs pa cada ton cu wordo entrega.

Con pa separa desperdicio di construcccion?

Companianan cu ta scoge pa spaar placa y separa e desperdicio di construcccion of demolicion por haci esaki na e siguiente forma:

- Cement, bloki di cement, kalichi, santo, pavers, klinkers y basecourse por wordo entrega GRATIS na Apex pa e por wordo procesa.
- Desperdicio di metal por wordo entrega na Daltra NV of na ICR

Services y ta ricibi placa pa entrega esaki.

- Desperdicio organico di mata, palo of pallet blanco por entrega na Johnsons of Ecotech Freezone.
- Tur otro desperdicio cu no ta reciclabel manera wc kibra, tegels, saco di cement por wordo entrega den bulto na Ecotech Freezone cu tin un gasto

E beneficio di separa e tipo di desperdicio aki ta cu como compania cu ta entrega esaki por spaar placa ora di hiba paso e desperdicio ta wordo considera “limpi”. Unabes cu e desperdicio ta combina y no separa e labor pa por procesa esaki debidamente ta bira mas intensivo y esaki ta resulta den un prijs mas halto.

Pa mas informacion tocante desperdicio di construcccion por bishita website www.trashtocash.org pa asina haya un bista di e Blue Print

pa maneho di desperdicio.

E cambio aki ta no grandi, pero como ciudadano di e pais aki nos tin cu cuminsa cambia nos manera di anda y maneha nos mesun desperdicio. E cambio aki tin e meta principal pa nos atende cu nos problemanan cu a bin ta crece durante 70 aña y cu a causa hopi daño na nos medio ambiente.

E ta un paso den e bon direccion pa asina sigura cu nos yiunan tin un futuro caminda nan por disfruta di un medio ambiente sano y cu nan ta orguyoso cu pais Aruba ta cumpli cu leynan internacional pa cu maneho responsabel di desperdicio.



Obituario

Publica serka nos anuncio di fayecimento di bo ser keri.
Nos tin 2 pakete pa ofrece;

Pakete 1: Anuncio di fayecimento te dia cu e defunto ser dera

Gradicimento y invitashon pa misa pa 3 dia Afl 250,00

Pakete 2: Anuncio di fayecimento te dia cu e defunto ser dera

Gradicimento y invitashon pa misa pa 3 dia

Na Canal 22 1x prome cu Noticiero 22 Afl 400,00

Pa mas informashon por tuma contacto cu oficina na
585-9500 of na 741-4554



E DIES MANDAMENTONAN DI DIOS PA DEN E TEMPONAN DI ADVENT

1. Stima y adora bo Senjor y bo Dios di henter bo curason, di henter bo alma, di henter bo sentir, di henter bo ser y mas cu tur cos di mundo y stima bo prohimo manera bo mes.

Akinan nos mester stima Dios mas cu nos mes y mas cu nos famianan.

Den e Ley di Dios aki ta prohibi nos di kere y di participa, den bruheria, den

medium, den diosnan falso, den organisacionnan satanico, den

illuminatienan, den reiki, den reincarnacion, den pactonan satanico, den

hypnotismo, den horoscopo, den yoga, den quija board, no pone tatua-

henan riba curpa, no marka e 666 riba curpa y no pone e microchip den bo curpa etc. E mesun ley di Dios ta bisa tambe, di stima bo

prohimo manera bo mes. Akinan nos mester

stima tambe e pobernan, e chollernan, e drogadictonan, e handi-

capnan, esnan mentalmente malo, bo enemigonan, esnan di tur rasa y religion. Pero nos no mester

stima nan pikanan y nan errornan cu nan ta biba

aden.



2. No usa e nomber di Dios sin mester.

No menciona e nomber di Dios den bo dichonan y jokenan bulgar, den bo palabranan di blasfemia, den bo palabranan malo etc.

3. Santifica dia di Senjor. E dia di santificacion ta riba Diadomingo dia cu Cristo-Hesus a resucita. Diadomingo ta dia di descanso y e no ta un dia di traha den trabao.

Diadomingo ta un dia di famia na unda tata y mama ta tuma tempo pa nan

yiunan y tambe di bishita famianan. Diadomingo ta dia di Senjor na unda tur hende ta bai Misa, pa Santifica Dios Su dia den e Santa Eucaristia. Akinan nos ta sigi recorda Cristo Hesus Su Pasion, Su Sufremento, Su Agonia y Su Morto na Crus te dia E bolbe bini. Den e Santa Eucaristia nos ta ricibi E Curpa y E Sanger di Cristo-Hesus pa nos por tin bida eterna. Lucas 22: 19/20, Huan 6: 53/54. Bai

Misa riba Diadomingo ta obligatorio.

4. Honra bo tata y bo mama.

Dios kier pa nos obedece nos tata y mama, pasobra Dios ta conseha nos y spierta nos pa medio di tata y mama. Yiunan cu ta tende y ta obedece nan tata y mama, nan lo haya e pas y e Felicidad den nan bida, den nan matrimonio y den nan famia. Yiunan soberbia cu no ta honra nan tata y mama, nan bida lo bira desaregla y nan matrimonio lo fracasa. Yiunan, cuida boso tata y boso mama te dia cu Dios yamanan.

5. No mata.

Akinan nos mester respecta bida di tur ser humano. Ta Dios tin nos destino den Su man, pa nos laga e mundo aki. No comete crimen, no comete suicidio, no comete abortus, no comete euthanasia. 6. No comete adulterio. Dios ta uni e pareha den un solo curpa den e Sacra-

mento di Matrimonio den Misa y Dios no ta reconoce divorcio, Marco 10: 6-9. Na esnan cu a divorcia y ta bay biba cu otro persona, nan ta comete e pika di adulterio, Mateo 5: 31/32. Cristo-Hesus ta bisa, cu ningun di esnan cu ta comete e pika di adulterio, nan lo no drenta den e Reino di Dios, 1Corinthionan 6: 9/10.

7. No horta. Akinan nos mester respecta propiedadnan di otro, pasobra ta Dios ta duna nos tur loke cu nos tin mester pa biba. Esnan cu a horta y ta debe otro, nan lo paga nan debenan den purgatorio despues di morto.

8. No lanta falso testimonio riba bo prohimo. Ganjamento y haci redonan falso ta un pika grandi. No instiga otro cu rabia

riba otro, no yena otro cu falsedad y odio, no tuma consejo di personanan pecador y desvia.

9. No comete e pika di fornicacion y e pika di deshonesto.

E pika di fornicacion ta e relacion sexual prohibi pa Dios, cu ta e pika di curpa. Esaki ta esnan cu ta haci relacion den libertinahe sexual, esnan cu ta biba companja, esnan cu ta casa pa Raad so, e prostitutan y tur relacion sexual pafor di e Sacramento di Matrimonio, ta condenabel. Den 1 Corinthionan 6: 9 / 10, Cristo Hesus ta avisa, cu ningun di esnan den fornicacion, nan lo no drenta den e Reino di Dios. E pika di deshonesto

y di inmoralidad, ta e hombernan cu a kita nan tradicion natural pa bira homosexual y e muhernan cu a cambia nan tradicion natural pa bira lesbiana. Muhernan a cambia nan tradicion natural pa esnan contra naturalesa. Mescos hombernan a kita nan tradicion natural cu muher y a

inflama nan mes den e pasion cu homber, den oral y anal sex. Tambe, e

hombernan cu ta masturba y ta usa condom pa benta nan spermanan afo, ta wordo condena. Muhernan cu ta usa tur sorto di anticonceptivonan, pa no

sali na estado, ta wordo condena. Den Bijbel Genesis 38: 6-10, Dios Tata a kita bida di Onan, pasobra Onan tabata benta su spermanan afo. Tur sorto di anticonceptivonan a

wordo crea pa satanas pa stop Dios Su autoridad di procreacion humano. Romanonan 1: 26/27, Levitico 18: 22, Levitico 20: 13. Den 1 Corinthionan 6: 9/10, Cristo Hesus ta avisa, cu ningun di esnan cu ta

comete e pika di deshonestidad y e pika di inmoralidad, nan lo no drenta den e Reino di Dios.

10. No codicia cos di otro hende. No codicia loke cu no ta di bo. No codicia e muher di otro, no codicia e homber di otro, no codicia su propiedad, no codicia su beneficiacion.


No sea envidioso, no sea avaricia, no sea soberbia y no sea lujuria.



Clasificados

SOLODIPUEBLO@GMAIL.COM
CEL. 585 9500


Inteligencia Artificial a revela cu cancer di prostata ta dividi den dos subtipo diferente



Den un revelacion pionero cu por revolucionar e forma di diagnostica y trata e cancer di prostata, un ekipo di cientifico Britanico a descubri cu e malesa ta inclui dos subtipo diferente di e enfermedad. Segun e investigacion publica diahuebs den e revista Cell Genomics, e descubrimiento a realisa uzando inteligencia artificial (AI). E ekipo a aisla e DNA di e muestranan di 159 pashent mediante e secuencia di e genoma completo, un forma exhaustivo di analisa e totalidad di e material genetico di un persona y despues a cuminsa compara nan cu ayudo di AI. Asina a identifica dos grupo di cancer diferente entre e pashentnan. Siguientemente, e investigadonan por a integra tur e informacion aki pa genera un rama evolutivo cu ta muestra con e dos subtiponan di cancer di prostata ta desaroya. E implicacionnan di e

avance aki ta di gran alcance y ta ofrece speransa nobo n'e pashentnan diagnostica cu cancer di prostata. Door di identifica e subtipo specifico di e malesa, e dokternan por personalisa e plannan di tratamiento y impedi e crecimiento di e progreso di e tumor. "Nos investigacion ta demostra cu e tumornan di prostata ta evolucionan door di diferente manera, dunando lugana dos tipo diferente di malesa," Dan Woodcock, investigado principal di e Departamento Nuffield di Ciencia Kirurgico di e Universidad di Oxford, a afirma, cita p'e organizacion patrocinado di e estudio, Cancer Research UK. "E comprension aki ta fundamental, ya cu ta permiti nos clasifica e tumornan den funcion di con e cancer ta evolucionar y no unicamente di e mutacionnan genetico individual of e

patronchinan di expresion," el a agrega. Segun Naomi Elster, director di investigacion di Prostate Cancer Research, tambe ta bay di acuerdo cu e organizacion cu ta patrocina e estudio, "e resultadonan aki por ta e principio p'e cientificonan por aplica n'e cancer di prostata e mesun enfoque di 'divide and conquer', cu a funciona den otro malesa, manera cancer di pecho." Cancer di prostata t'esun mas frecuente entre e hende hombernan na Reino Uni, cu 55 mil caso pa aña. Fuera di esey, e ta afecta un di cada seis homber den e pais a lo largo di su bida. A pesar di e nivel di mortalidad aki, casi 8 di cada 10 (77,6%), e pashentnan diagnostica cu cancer di prostata na Inglatera ta sobrevivi e malesa pa dies aña of mas.



OLIVE TREE'S
PRE-PAID
FUNERAL PLAN

PAY AS YOU CAN

Piedraplat ☎ 582 0000
Sanicolaas ☎ 584 8888 | 5820000
Habri dialuna pa diabierna | 8:00am-4:00pm

Olive Tree Social Department ☎ (+297) 743 7411
www.olivetreefuneralhome.com

ORACION DI DIA



Un feliz comienso di weekend bendiciona y cu Dios brasa nos cu su misericordia infinito.

Escritura ta bisa: "Misericordia Mi kier y no sacrificio." Mateo 12,7

Misericordia di Dios ta mas grandi cu su obranan. Loke Hesus kier di nos ta, pa nos ta misericordioso manera Dios ta misericordioso cu su pueblo. Den e prome lectura nos por lesa con Ezekias tabata pa bay muri. Dios a manda Isaías duna e noticia cu e no tin hopi tempo pa biba. Ezekias a bira lomba y a resa na Dios y Dios a tene misericordia cu ne. Mescos cu Dios a haci, nos tambe tin di haci den nos bida diario, tene misericordia cu nos rumannan, pasobra nos no sa den ki situacion nan ta pasando. Den e Evangelio tambe nos por lesa cu riba un sabat ora Hesus tabata cana cu su discipelnan den cunucu y nan abata tin hamber. Nan a cuminsa come trigo di e tapushinan. E fariseonan a bisa Hesus cu su discipelnan ta haci cos cu no ta permiti riba sabat. Hesus a bisa e fariseonan kico David a haci ora nan tabatin hamber. No laga nos bira mescos cu e fariseonan. Nos tin di ta manera Dios y Hesus, semper bay misericordioso cu nos rumannan y Hesus a pidi misericordia y no sacrificio.

Oracion: Dios nos ta pidi Bo pa laga nos por ta misericordioso manera
Abo ta misericordioso tur dia di nos bida. Amen.

FORTALEZA PA FAMIA

Scirbi pa Pastor Marcel Balootje.

NO ENTREGA , SIGUI PERSERVERA, DIOS TA CU NOS

Nunca maldad por vence bon-
dad, nunca mentira por vence
berdad, loke Dios tin pa bo
como hende, ta pa abo e ta.
!!! Tene pasenshi y lo bo mira
Dios su bondad pa bo bida, no
envidia ni tampoco desea cos di
otro hende.
!!! Bo no tin mester di destrui
bida di hende pa bo haña locual
cu nan tin, pasobra esey no ta
boluntad di Dios.

*** Bendicion di Dios, ta bin pa
bo sin ningun problema hunto
cune, basta bo sa di perservera
, y di confia Dios, pasobra dia-
manta bo no ta haña riba tera,
y oro no ta puro si e no bay can-
dela, asina ta pa tur cos bon den
bida nos mester perservera.

Tur cos haña riba custia di otro hende lo
bo no gosa di dje, cosnan haña pa medio
di traicion y complot, no ta duradero, nan
ta bini cu perdemento di sueño anochi y
cu preocupacion durante di dia, pesey ta
bon pa spera riba Dios, y Dios lo duna e
deseo di bo curason.

No pone trampa pa ningun hende , pero
busca Dios di henter bo curazon, Dios sa
locual ta mihor , pa bo, no tin amistad
mas dushi y perfecto cu esun cu bo tin cu
Dios, pasobra den Dios, nos confiansa ta
real , y nos Fe ta crece dia tras dia.

Cada paso cu bo ta dal confia Dios, y no
cana scucha aki y aya, buscando consejo
di mundo, pa bo bida, pero haci Señor
e prioridad di bo bida, duna Cristo He-
sus e prome lugar den bo curason, y tur
hende lo mira con bo ta crece, y con bo ta
logra, y nan lo sa pa medio di e frutanan
cu Dios ta duna bo, cu berdaderamente
Dios ta cubo.

Sea agradecido tur momento, pone tur
bo plannan den Su man, y no confia riba
man di hende, pasobra hende por lubida,
hende por tarda, hende por ninga, y hasta
hende por traiciona, pero Den Cristo He-
sus nos tin un Baranca fuerte, un fuente
di bendicion y un cas di sosiego.

Ta cosnan grandi Señor ta haci pa esnan
cu ta confia y perservera, pasobra nan lo



*Y mi Dios proveerá a todas sus necesidades,
conforme a Sus riquezas en gloria en
Cristo Jesús.
Filipenses 4:19*

mira Su gloria, pasobra pa Señor no ta
existi tempo malo, ni tampoco escases.
Señor ta grandi y Todopoderso, y no ta
nenga ningun cos bon na esnan cu ta
confia den dj'E.

Tene cuenta cu tera por sacudi, laman
por lanta, pero Dios tin poder riba tur
cos, pesey no tene miedo, ni tampoco
perde confiansa, pero mantene bo bista
riba Dios, pasobra tur bendicion,tur don,
y tur talento, y no lubida tur cos bon ta
bini di nos Tata Todopoderoso.

Tur dia no ta mesun dia, y tur dia no ta
mesun cos, pero tur dia ta di Dios.
Aunke nos ta mira cu mundo ta yena cu
mentira, y cu hende ta rechasa Dios, pa
haña cosnan temporal di e mundo aki.
Nos ta sigi perservera pa mira Dios su
bondad, pasobra ningun hende cu a pone
nan confiansa den Dios a keda berguensa
. Dios su tempo ta perfecto, y su yudansa
semper a alegra curason di hende.

Laga nos curasha nos hobennan pa sigi
den caminda di Dios, pasobra tin hopi
caminda ta muestra bunita, y ta caba den
maldad, pero solamente den e caminda
di Dios tin sabiduria y pas.
Tin hopi tentacion diabolico pa bida di
e hoben, pero e hoben cu stima Dios, lo
para duro, y crece y lo ta mas cu vencedor
den Cristo Hesus.

Nunca entrega pero sigi perservera.

Clasificados





SOLODIPUEBLO@GMAIL.COM
CEL.585 9500





8			3					
3					5			
		9	1		4			
	4			8		7		
6								2
		8		2			3	
			7		9	6		
			2					5
					8			4

	7		6					
	9		5		3		1	7
				1				
	8						4	3
		2				6		
4	5						7	
				3				
7	4		2		5		6	
					4		2	

Trekkingslijst van de Landsloterij

13de trekking																	17 oktober 2024																
EEN	2088 150	4256 150	6647 100	8947 150	10860 150	12715 150	14847 100	16884 125	19047 100	21104 500	23447 100	25599 150	27921 150	30049 150	31949 250	34101 250																	
HEDEN	2101 250	4261 150	6684 125	8953 150	10863 150	12716 150	14878 150	16901 150	19084 125	21105 500	23452 500	25601 150	27947 150	30084 125	31952 150	34121 150																	
1 150	2114 150	4284 125	6701 150	8956 150	10884 125	12721 150	14884 125	16922 150	19089 150	21106 500	23468 150	25647 100	27975 150	30101 250	31975 150	34126 150																	
2 150	2133 150	4297 150	6724 150	8957 150	10887 150	12747 100	14884 150	16937 150	19093 150	21107 500	23477 150	25663 150	27984 125	30103 150	31984 125	34147 100																	
3 150	2147 100	4301 150	6740 150	8974 150	10891 150	12771 150	14901 150	16947 150	19101 250	21108 500	23484 125	25666 150	27984 125	30125 150	31984 125	34149 150																	
4 150	2156 150	4319 150	6747 100	8984 125	10894 150	12784 125	14932 150	16957 150	19115 150	21109 500	23501 150	25676 150	27984 125	30125 150	31984 125	34149 150																	
TIEN	2166 150	4327 150	6754 150	8984 125	10899 150	12801 150	14942 150	16963 150	19121 150	21113 150	23518 150	25684 125	27984 125	30125 150	31984 125	34149 150																	
TALLEN	2167 150	4347 100	6759 150	8984 125	10901 150	12804 150	14947 150	16968 125	19133 150	21141 150	23520 150	25701 150	27984 125	30125 150	31984 125	34149 150																	
47 100	2178 150	4359 150	6777 150	DUIZEND	10947 150	12818 150	14949 150	16997 150	19139 150	21147 100	23547 100	25715 150	27984 125	30125 150	31984 125	34149 150																	
52 150	2184 200	4384 125	6784 125	DUIZEND	10984 125	12847 100	14984 125	16997 150	19147 100	21155 150	23567 150	25747 100	27984 125	30125 150	31984 125	34149 150																	
54 125	2194 150	4388 150	6793 150	9001 150	11001 150	12866 150	14991 150	17001 150	19147 100	21162 150	23584 125	25782 150	27984 125	30125 150	31984 125	34149 150																	
84 125	2199 150	4401 150	6801 150	9009 150	11009 150	12870 150	14997 150	17004 125	19147 100	21184 375	23592 150	25784 125	27984 125	30125 150	31984 125	34149 150																	
-----	2201 150	4408 150	6842 150	9017 150	11017 150	12884 125	14999 150	17004 125	19147 100	21201 150	23601 150	25801 150	27984 125	30125 150	31984 125	34149 150																	
HONDERD	2217 150	4426 150	6847 100	9047 100	11017 150	12901 150	15001 150	17001 150	19201 150	21231 150	23610 150	25803 150	27984 125	30125 150	31984 125	34149 150																	
TALLEN	2247 100	4443 150	6884 125	9067 150	11017 150	12902 150	15001 150	17001 150	19247 100	21247 100	23610 150	25804 150	27984 125	30125 150	31984 125	34149 150																	
-----	2258 150	4447 100	6891 150	9072 150	11017 150	12911 150	15001 150	17001 150	19247 100	21284 125	23634 150	25807 150	27984 125	30125 150	31984 125	34149 150																	
101 250	2283 150	4459 150	6898 150	9084 125	11005 150	12947 150	15001 150	17001 150	19247 100	21301 150	23637 150	25820 150	27984 125	30125 150	31984 125	34149 150																	
129 150	2284 125	4484 125	6901 150	9101 250	11009 150	12967 150	15001 150	17001 150	19247 100	21304 150	23647 150	25834 150	27984 125	30125 150	31984 125	34149 150																	
142 150	2301 150	4501 150	6908 150	9104 150	11047 100	12984 125	15001 150	17001 150	19247 100	21315 150	23684 125	25847 100	27984 125	30125 150	31984 125	34149 150																	
147 100	2347 100	4543 150	6947 150	9111 150	11063 150	13001 150	15001 150	17001 150	19247 100	21326 150	23685 150	25849 150	27984 125	30125 150	31984 125	34149 150																	
149 150	2379 150	4545 1000	6982 150	9121 150	11084 125	13001 150	15001 150	17001 150	19247 100	21347 100	23701 150	25874 150	27984 125	30125 150	31984 125	34149 150																	
176 150	2384 125	4547 100	6984 125	9127 150	11101 500	13001 150	15001 150	17001 150	19247 100	21348 150	23709 150	25884 125	27984 125	30125 150	31984 125	34149 150																	
184 200	2391 150	4561 500	6986 150	9131 150	11147 100	13001 150	15001 150	17001 150	19247 100	21379 150	23719 150	25901 150	27984 125	30125 150	31984 125	34149 150																	
187 150	2396 150	4566 150	6999 500	9143 150	11150 150	13001 150	15001 150	17001 150	19247 100	21384 125	23734 150	25947 150	27984 125	30125 150	31984 125	34149 150																	
201 150	2397 150	4573 150	7001 150	9147 100	11163 150	13001 150	15001 150	17001 150	19247 100	21392 150	23747 100	25967 150	27984 125	30125 150	31984 125	34149 150																	
221 150	2401 150	4584 125	7001 150	9161 150	11176 150	13001 150	15001 150	17001 150	19247 100	21401 150	23749 150	25984 125	27984 125	30125 150	31984 125	34149 150																	
247 100	2410 150	4601 150	7001 150	9166 150	11180 375	13001 150	15001 150	17001 150	19247 100	21407 150	23768 150	25986 150	27984 125	30125 150	31984 125	34149 150																	
251 150	2415 150	4638 150	7001 150	9184 200	11181 375	13001 150	15001 150	17001 150	19247 100	21420 150	23774 150	25986 150	27984 125	30125 150	31984 125	34149 150																	
270 150	2447 100	4647 100	7001 150	9201 150	11182 375	13001 150	15001 150	17001 150	19247 100	21447 100	23776 150	25986 150	27984 125	30125 150	31984 125	34149 150																	
284 125	2484 125	4659 150	7024 150	9239 150	11182 375	13001 150	15001 150	17001 150	19247 100	21484 125	23784 125	25986 150	27984 125	30125 150	31984 125	34149 150																	
284 1000	2487 150	4684 125	7047 100	9247 100	11182 375	13001 150	15001 150	17001 150	19247 100	21501 150	23801 150	25986 150	27984 125	30125 150	31984 125	34149 150																	
301 150	2501 150	4688 150	7062 150	9248 150	11182 375	13001 150	15001 150	17001 150	19247 100	21519 150	23802 150	25986 150	27984 125	30125 150	31984 125	34149 150																	
316 150	2505 150	4701 150	7084 125	9275 150	11182 375	13001 150	15001 150	17001 150	19247 100	21547 100	23824 150	25986 150	27984 125	30125 150	31984 125	34149 150																	
323 150	2509 150	4731 150	7101 250	9280 150	11183 1500	13001 150	15001 150	17001 150	19247 100	21584 125	23829 150	25986 150	27984 125	30125 150	31984 125	34149 150																	
328 150	2527 150	4739 150	7143 150	9284 125	11183 1500	13001 150	15001 150	17001 150	19247 100	21584 125	23847 150	25986 150	27984 125	30125 150	31984 125	34149 150																	
347 100	2547 100	4747 100	7143 150	9301 150	11183 1500	13001 150	15001 150	17001																									

FORTALEZA PA FAMIA

Scirbi pa Pastor Marcel Balootje. APRECIO Y GRATITUD TA TERAPIA DI DIOS

Aprecio ta algo bunita cu Dios ta pone den nos,pa nos por demostra un na otro.

Hopi biaha nos ta pensa cu nos forma di demostra aprecio, mester wordo demostra cu un regalo, pero no tin nada mas bunita cu expresion di un curason sincero,

Especialmente nos como mayor mester corda cu nos yui mester wordo aprecia, y nos ta prome persona yama pa haci esey.

Nos mester aprecia nos hobennan pasobra esey ta demostra amor, y tur hende kier ta den un cas caminda aprecio ta wordo demostra na nan.

E problematica di hoben ta bay rond henter mundo, pero abo como mayor mester duna aprecio na henter bo famia.

Hopi biaha nos ta busca ayudo di dokter y psicologo pa nos yiu, pero ta ta un simpel aprecio e mucha mester cu ta sali directamente for di curazon di su tata.

No lubida con Dios Tata a aprecia Hesus despues di e bautismo den riu Jordan , Mateo capitulo 3 ta bisa nos cu e Spirito Santo a baha manera un paloma y keda riba Hesus, y ata un bos for di e cielonan , bisando esaki ta Mi Yiu stima den kende mi tin goso.

No tin nada mas bunita ora un mayor ta papia bon di su yiu, ora un mayor ta contento cu su yiu, pasobra kico cu pasa bo yiu ta keda bo yiu, e ta keda bo sanger, nunca e por wordo cambia, pasobra yuinan ta re-



galo di Dios.

Ningun regalo digital , tampoco piedra precioso no por remplaza e amor y aprecio di un mayor.

Aprecio di Mayor ta habri cielo riba bida di su yiu, ta duna curashi , y yuda forma karakter, ta aumenta estabilidad den e mucha, pa e crece solido den boluntad di Dios.

Aprecio ta bini di Dios directamente for di cielo, pasobra e diabel no tin apresio, tur locual e por causa ta desprecio, pasobra ora un hoben cay den su man, e tin hopi chens di despresa su propio bida (Juan 10:10)

Hopi biaha bo ta haña cu muchanan ta busca amistad di hende grandi pasobra nan kier sinti nan mes aprecia, y na cas den un bida di violencia domestico, infidelidad y inmoralidad, nan no ta ricibi esey.

Aki nos por mira kico ta e balor di Aprecio den Famia.

Mas cu tur cos nos mester ta agradecido na Dios pa tur locual cu E a haci pa nos.

Nos curazon mester ta yena cu gratitud na nos Dios, pa asina nos por expresa gratitud na nos famia, y pa asina un por sostene otro

Duna gradicimento na Señor, pasobra E ta bon, pasobra Su misericordia ta pa semper.


Laga e pas di Cristo goberna den boso bida,Tur locual boso haci, haci boso trabao di curason como pa Señor y no pa hende.

Sabiendo cu ta for di Señor boso lo ricibi e recompensa di e herencia.

Ta Señor Cristo Hesus ta Esun cu boso ta sirbi.(Colosensenan 3:23+24)


Gratitud na Dios ta demostra crecimiento, madures Spiritual,pasobra nos ta realiza cu Dios ta doño di tur cos, y den tur cos e ta misericordioso, E ta libera, y ta duna oportunidad pa cuminsa di nobo, pasobra E ta perdona tur pica y ta duna bida nobo, cambia nos curason, pa asina nos por gosa di e plenitud di bida.

Laga tur hende realiza cu Aprecio y Gratitud ta un forma di biba cu ta bini solamente di Dios, cu nos mester expresa.



Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com

Resultado: Sorteo di Merdia - October 18, 2024

CATOLIC Sorteo # 4422 8316 5081 5643 MULTI-X X2 BIG 4 Sorteo # 4422 5568 MULTI-X X2 1XFF Sorteo # 2478 3009 ZODIAC Sorteo # 4422 1084 Virgo LUCKY 3 Sorteo # 1296 898 MULTI-X X2	LOTTO 5 Sorteo # 0 x Jackpot 0 x Match 4+ 0 x Match 4 0 x Afl. 12,00 2.100.000,- LOTTO DIA Sorteo # 0 x Jackpot 0 x Match 4 0 x Afl. 8,00 77.000,- MEGA Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00 360.000,- Afl. 460.000,- KORSOU Sorteo # 
--	---



STICHTING
BLOEDBANK
ARUBA

**BO SANGER
TA SALBA BIDA!**

☎ 587 0002
f StichtingBloedbankAruba

Registra pa bira donante na www.bloedbankaruba.aw